

Ўзбекистон-АҚШ: стратегик шерилликка йўл



Сўнгги пайтларда Ўзбекистон-Америка муносабатлари стратегик шерилликнинг янги босқичига қадам қўймоқда, бу эса юқори даражадаги сиёсий ўзаро ишончга эришиш ва уни қўллаб-қувватлаш, шунингдек, ўзаро манфаатли бўлган барча соҳаларда иқтисодий ҳамкорликни фаоллаштиришга бўлган интилиш билан тавсифланади.

Ўзаро муносабатларнинг бундай юксалиш траекториясига аввало Ўзбекистон Президенти Шавкат Мирзиёевнинг қисқа тарихий даврда мамлакатнинг минтақавий ва халқаро майдондаги ташки қиёфасини тубдан ўзgartирган конструктив, ташаббускор ва кўпвекторли ташки сиёсати туфайли эришилди.

Мамлакатимиз раҳбарининг шахсан бошчилигида демократик жараёнларнинг кучайтирилишга ва миллий иқтисодиётнинг янги моделини яратилишига қаратилган очиқлиги билан ажralиб турадиган кенг қўламли ички ислоҳотлари ҳам Кўшма Штатлар томонидан эътироф этилмоқда.

Бу ижобий ўзгаришлар АҚШ томонидан тўлиқ қўллаб-қувватланиб, ҳозирги босқичда нафақат ички муаммоларни ҳал этишда, балки минтақавий долзарб муаммоларни бартараф этишда ҳам мамлакатимиз билан янада фаол ҳамкорлик қилишга тайёрлигини англатади.

Экспертларнинг фикрига кўра, Оқ уйда янги маъмурият келиши билан АҚШ Ўзбекистон билан ҳар томонлама шерилликни янада чуқурлаштиришга содик қолади. Шавкат Мирзиёев президентлиги даврида янги даврга қадам қўйган икки мамлакат ўртасидаги ҳамкорлик даражаси АҚШнинг барча ички сиёсий кучлари томонидан тўлиқ қўллаб-қувватланаётгани бу ҳақиқатни яна бир бор тасдиқлади.

Шу нуқтаи назардан қараганда, АҚШнинг янги маъмурияти даврида Тошкент ва Вашингтон ўзаро ишончга асосланган муносабатларни янада мустаҳкамлаш ва ҳамкорликнинг барча соҳаларида стратегик шерилликни янги босқичга олиб чиқиш борасидаги саъй-ҳаракатларини жадаллаштиришда давом этаётганлиги кузатилмоқда.

Икки дўст мамлакатнинг мустаҳкам шартномалари асосларига тўхтадиган бўлсак, Ўзбекистон Республикаси билан Америка Қўшма Штатлари ўртасида 2002 йилда имзоланган стратегик шериклик тўғрисидаги Декларация муносабатларга янгича суръат бағишлади.

Шу билан бирга, 2020 йилнинг ноябрь ойида Ўзбекистон – АҚШ сиёсий маслаҳатлашувларининг саккизинчи раунди якунида томонлар йиллик маслаҳатлашувларни Стратегик ҳамкорлик мулоқоти даражасига кўтариш тўғрисидаги қарорини эълон қилган эдилар.

Ушбу Мулоқот доирасида, Америка Қўшма Штатлари ва Ўзбекистон сиёсий, хавфсизлик, иқтисодий ҳамда инсоний ўлчамлар бўйича янада яқинроқ ҳамкорлик қилишни давом эттириши кўзлайди ва биринчи стратегик шериклик мулоқоти 2021 йилда Тошкентда ўтказилиши режалаштирилган.

Бундан ташқари, сўнгги йилларда икки томонлама савдо алоқаларини, олий таълим ва илмий тадқиқотлар, қишлоқ хўжалиги ва энергетика соҳаларидағи ҳамкорликни кенгайтириш бўйича келишувлар қабул қилинди. Ўзбекистоннинг Жаҳон Савдо Ташкилотига аъзо бўлиши жараёнида ҳамкорлик тўғрисида меморандум имзоланди.

Юқорида қайд этилган хужжатлар нафақат Ўзбекистон-АҚШ муносабатларидаги пойдевор бўлган ҳуқуқий асос, балки, шубҳасиз, икки мамлакат ўртасидаги муносабатларда янги тарихий муҳим давр бошланишини белгилаб берди.

Томонлар ўртасида сиёсий мулоқот сезиларли даражада фаоллашди. Ўзаро муносабатларни ривожлантиришда юқори даражадаги мунтазам алоқалар катта аҳамиятга эга. Шавкат Мирзиёевнинг Ўзбекистон Президенти этиб сайланиши билан икки мамлакат ўртасидаги муносабатлар янги мазмун билан тўлдирилди.

Муваффақиятли ҳамкорликка икки давлат раҳбарлари ўртасидаги самарали сиёсий мулоқот кўмаклашди. Хорижий экспертларнинг фикрича, Президент Шавкат Мирзиёевнинг 2018 йил май ойида Вашингтонга расмий ташрифидан сўнг АҚШ ва Ўзбекистон ўртасидаги муносабатлар ўзгача тус олди. Ушбу музокаралар якунида давлат раҳбарларининг «Ўзбекистон ва Америка Қўшма Штатлари: янги стратегик шериклик даврининг бошланиши» деб номланган Қўшма баёноти қабул қилинган эди.

Турли соҳалардаги ўзаро манфаатли алоқаларни янада мустаҳкамлашга қаратилган ҳужжатлар тўплами имзоланди. Ташриф давомида Шавкат Мирзиёев Капитолийда Миссисипи штатидан конгрессмен Трент Келли раҳбарлигидаги Конгресс аъзолари гуруҳи билан самарали музокаралар ўтказди.

Айнан ушбу учрашувда «Ўзбекистон бўйича Кокус (дўстлик гуруҳи)»ни яратиш тўғрисида келишувга эришилди ва Трент Келли бу тузилмага раҳбарлик қилишга ҳамда АҚШ Конгрессининг Вакиллар палатаси аъзоларини ўз фаолиятига жалб этишга тайёрлигини билдирган эди.

Бундан ташқари икки мамлакат ўртасидаги парламентлараро алоқалар бугунги кунда янги босқичга чиқди. Парламент делегацияларининг ташрифлар алмашинуви бу борадаги ҳамкорликка мустаҳкам замин яратди. 2017 йилнинг ноябрь ойида Трент Келли бошчилигидаги 8 нафар конгрессмендан иборат делегация Тошкентга ташриф буюрди. Шу ойда АҚШга ҳам Ўзбекистондан сенаторлар ва депутатлар делегацияси ташриф буюрди.

Алоҳида таъкидлаш жоизки, АҚШ ва Ўзбекистон ўртасидаги иқтисодий алоқалар ҳам изчил ривожланмоқда. Сўнгги йилларда Ўзбекистон бозорида Американинг етакчи компанияларининг иштирокини кенгайтириш ва ўзаро қўллаб-қувватлаш бўйича аниқ келишувларга эришилди. Йирик Америка компаниялари 2017 йилдан – Ўзбекистонда қатор кенг қўламли иқтисодий ислоҳотлар бошланганидан буён ўзбек бозорига катта қизиқиш билдиримоқда. Жумладан «General Electric», «General Motors», «Hyatt», «John Deere», «Boeing», «Honeywell», «Exxon Mobil», «Coca-Cola», «Calatrava», «Silverleaf» ва бошқа қатор компаниялар аллақачон мамлакатимизда фаолият

юритмоқда.

Томонлар иқтисодий алоқаларни мустаҳкамлашга ва доимий равишда савдо-иқтисодий алоқаларни кенгайтириш учун ҳаракат қилмоқда. Қайд этиш керакки, 2019 йил охирида Ўзбекистоннинг АҚШ билан савдо айланмаси 596,1 миллион долларни ташкил этиб, 2018 йилга нисбатан 43% ўсишга эришиди. Глобал коронавирус пандемияси ва унинг натижасида халқаро чегаралар ёпилишига қарамасдан, Ўзбекистоннинг АҚШ билан савдо айланмаси 2020 йилда 275,1 миллион долларни (26,7 миллион доллар экспорт ва 248,3 миллион доллар импортни) ташкил этди. Шу билан бирга, томонлар 2021 йилда икки томонлама савдо ҳажмининг сезиларли даражада ошишини кутишмоқда.

Forbes экспертларининг фикрига кўра, бугунги кунда Ўзбекистонда бизнес-ташаббуслар учун кенг имкониятлар мавжуд бўлиб, расмий Тошкент ва Вашингтон савдо-иқтисодий ҳамкорлик кўламини бир неча баробар оширишга қодир.

Бундан ташқари, Қўшма Штатлар Ўзбекистон ҳамда Марказий Осиёнинг бошқа давлатлари билан иқтисодий алоқаларни мустаҳкамлаш бўйича ҳамкорликни оширишдан манфаатдор.

Жорий йилнинг январь ойида АҚШ халқаро тараққиёт Молия корпорацияси раҳбари Адам Болер, USAID ва Давлат департаменти вакилларининг Ўзбекистонга ташрифи чоғида 5 йил мобайнида камида 1 миллиард долларлик маблағ билан хусусий сектор ўсиши ва иқтисодий алоқаларни кўллаб-қувватловчи лойиҳалардан иборат Марказий Осиё инвестиция шериклигини яратиш бўйича эришилган келишувлар шундан далолат беради.

Томонлар ўртасида «Инсон ўлчови» деб аталадиган масалалар бўйича конструктив мулоқотлар доимий аснода ўтказилмоқда. Қўшма Штатлар Ўзбекистоннинг инсон хуқуқларини ислоҳ қилиши, мажбурий меҳнатга қарши курашиб, диний эркинликни тарғиб қилиши борасидаги салмоқли ютуқларини эътироф этмоқда.

Хусусан, АҚШ давлат котибининг қарори билан Ўзбекистонни диний эркинликлар соҳасида алоҳида ташвишга молик давлатлар рўйхатидан чиқарилиши Вашингтон сиёсий доиралари томонидан юқори баҳоланди.

Шу ўринда, АҚШ сенатори Рожер Уикернинг баҳолари алоҳида эътиборга лойиқdir: «Президент Шавкат Мирзиёев раҳбарлигига Ўзбекистон муносаб мақтовга сазовор бўлди, диний маҳбусларни озод қилди, кўплаб диний ташкилотларни рўйхатдан ўтказди ва диний идораларга қарши рейдлар ўтказилишини тақиқлади».

Бундан ташқари, АҚШ Меҳнат вазирлиги ўзбек паҳтасини болалар меҳнатидан ноқонуний фойдаланган ҳолда ишлаб чиқариладиган товарлар рўйхатидан чиқарип ташлади. АҚШ Меҳнат вазирлигининг таъкидлашича, ушбу ютуқга Ўзбекистон, Халқаро Меҳнат ташкилоти, Халқаро нодавлат ташкилотлар ва АҚШ ҳукуматининг қўшма саъй-ҳаракатлари туфайли эришилган.

Қайд этиш жоизки, томонлар ўртасида «Марказий Осиё – АҚШ» («C5+1») формати доирасида мунтазам мулоқотлар олиб борилмоқда. Қўшма Штатлар Ўзбекистоннинг минтақавий иқтисодий тараққиётда муҳим ўрин тутишини эътироф этиб, Президент Шавкат Мирзиёевнинг янги стратегик курсини юқори баҳолайди.

Бугунги кунда минтақа ва АҚШ ўртасидаги ҳамкорликни оширишнинг муҳим платформаси «C5+1» Вазирлар мулоқоти доирасидаги ҳамкорлик бўлиб, унинг сўнгги учрашуви 2020 йилнинг февраль ойида Тошкентда бўлиб ўтган.

АҚШнинг собиқ давлат департаменти раҳбари Майк Помпеонинг айтишича, бу гурӯҳ фаолияти Марказий Осиё давлатлари саъй-ҳаракатларини мувофиқлаштиришда, жумладан, терроризмга қарши курашда ва минтақавий иқтисодий ҳамда энергетик алоқаларни кенгайтиришда янада

самарали бўлмоқда. Буларнинг барчасига Президент Шавкат Мирзиёевнинг минтақада яхши қўшничилик сиёсати туфайли эришилмоқда.

АҚШ Президенти Жо Байден ҳам шунга ўхшаш баёнот берди. Унга кўра, янги маъмурият стратегик шерикликни чуқурлаштириш ва «С5+1» мuloқot жараёнини давом эттиришдан манфаатдор.

Шу билан бирга, Кўшма Штатлар минтақа мамлакатларининг суверенитети, мустақиллиги ва худудий яхлитлигини қўллаб-қувватлашини, шунингдек, барча соҳаларда кўп қиррали минтақавий ҳамкорликни кенгайтиришга қатъий содиқлигини тасдиқлайди.

Вашингтон Тошкент ва Марказий Осиё давлатларининг янги минтақавий йўналиши самарадорлигини юқори баҳолаган ҳолда АҚШнинг 2019-2025 йилларда Марказий Осиё минтақаси бўйича янги стратегиясини ишлаб чиқди. Ҳужжатда таъкидланишича, АҚШнинг Марказий Осиё бўйича аввалги стратегияси 2015 йилда тасдиқланганидан бери минтақадаги янги давлат раҳбарлари ислоҳотлари асосида ривожланиши натижасида минтақалараро ҳамкорликнинг кучайиши, Кўшма Штатларнинг фаоллигини ошириш учун янги имкониятлар яратди.

Ушбу ҳужжатнинг қабул қилиниши Кўшма Штатларнинг фаол минтақавий ҳамкорликни қўллаб-қувватлашга тайёрлигини ҳамда тобора яхши қўшничилик, тинчлик ва ҳамкорлик маконига айланадиган Марказий Осиёда яратилган янги сиёсий муҳитни яна бир бор намойиш этади.

Алоҳида таъкидлаш жоизки, Ўзбекистон ва Кўшма Штатлар ўртасида конструктив мuloқot юритилиши натижасида, Афғонистонда тинчлик жараёнини кучайтириш бўйича аниқ таклиф ва амалий тавсиялар ишлаб чиқилмоқда. Афғонистоннинг минтақавий иқтисодий интеграциясини таъминлаш нуқтаи назаридан Ўзбекистон билан ўзаро алоқаларни кучайтиришдан АҚШ манфаатдордир. АҚШ ва Ўзбекистон терроризмга қарши курашиш ва чегара хавфсизлигини таъминлаш, Афғонистонга молиявий ва техник ёрдамни ошириш учун биргаликда ҳаракат қилмоқда.

Шуни инобатга олган ҳолда, Тошкент, Вашингтон ва Кобул афғон иқтисодиётини жонлантиришга ёрдам берадиган, шунингдек, мамлакатда тинчлик жараёнини тарғиб қиласидиган янги уч томонлама форматни яратди.

АҚШнинг янги маъмурияти учун асосий устувор йўналишлар Афғонистондаги террорчилик таҳдидини камайтириш, Ғарб коалиция қўшинларининг Афғонистондан олиб чиқилиши фонида гиёҳвандлик воситаларининг кенг тарқалишининг олдини олиш бўлиб қолади.

Бу борада Кўшма Штатлар Афғонистонда тинчлик ўрнатишда Ўзбекистон билан фаол ҳамкорлик қилмоқда. АҚШ Президенти Жо Байден ўзининг ҳамкасби, Президент Шавкат Мирзиёевга Наврӯз байрами муносабати билан табригида урушни тугатадиган ва Афғонистонда фақатгина дипломатик йўл билан ечим топадиган тинчлик ўрнатиш жараёнини қўллаб-қувватлаш учун биргаликда ишлашнинг алоҳида аҳамиятга эга эканини таъкидлади.

Умуман олганда, Ўзбекистон-Америка ҳамкорлигининг ҳозирги йўналиши икки мамлакат ва халқларнинг миллий манфаатларига жавоб беради. АҚШнинг янги маъмурияти ушбу тенденцияни қўллаб-қувватлайди ва ўзбек-америка мuloқotини янада кенгайтиришга тайёрлигидан далолат беради.

Хулоса сифатида айтиш мумкинки, икки томон кун тартибининг устувор йўналишлари бўйича Ўзбекистон ва Америка Кўшма Штатлари ўртасидаги стратегик шериклик муносабатларининг узоқ муддатли истиқболда ҳам изчил ривожланишини тўла ишонч билан башорат қилиш мумкин.

**Фарруҳ Эрманов,
Ўзбекистон Республикаси Президенти
хузуридаги стратегик ва минтақалараро**

Манба